



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

10. Imperitorum medicorum audacia infelicitas.

urn:nbn:de:hbz:466:1-45701

Gesner. in
vita eius.

Pergamenus medicus mirificam, etiam apud mortales, gloriam est consecutus. Maximè enim sibi plebis & tenuioris fortunæ hominum animos conciliauit, quod medicamentis simplicibus vulgaribusque, & paratu facilibus plurimum vtens, & recta vietis ratione, sine pharmacis, ubi id fieri poterat, curans, eorum, quos suscipiebat, facultates minime oppimeret, contrà quam faciunt plurimi nostra ætate medici. Quin etiam ut meliori fide, ac sumptu minore medicamenta haberet composita, suis manibus plerumque confecta officiosissimè ægris administrabat: in egenos interim non exiguum suarum facultatum portionem erogans, artemque ipsam, non avaritia ductus, aut quapam cupiditate, sed propter solam virtutem piè simul & religiosè exercens. Ægros moribus placidissimis ita exhilarabat, ut vel solo sermone eos videretur restituere.

X.

Max. serm. 50.
Ant. serm. 56.
part. 1.

Laërt. lib. 6.

Plutarcho. in
Laeon.

Sed doctis sat est dictum. Indocti verbis etiam prolixè verberati vix sapient. Hi in contrarium sunt monendi, ne sc. propinent morbis sanandis, quos ignorant; plusque audeant polliceri, quam sperent se præstituros. Nicocles, cum malus quidam medicus diceret, se magnam habere potestatem: *Quid ni, inquietat, ista dicere liceat, qui tam multos impunè sustulerit?* Qua de causa etiam, *Medicos felices nominabat, quoniam successus quidem illorum solum intuetur, errores autem tellus operit.* Diogenes profectò videns quemdam medendi artem iam profitentem, qui priùs fuerat palæstrites, sed ignarus, dixit illi: *An eos, qui te hactenus dejecerunt, nunc vicissim deiijcet?* Deijectus luctator, quem superat: & deijectus medicus, quos in lectum coniject, aut etiam in sepulchrum. Inter tales medicos & vespillones, nullum est discrimen. Vtrique enim sepelunt. Sed maiore pretio illi; enim uero etiam maiore damno. Vespillones sepelunt eos, qui sepeliendi sunt; medici illos; qui viribus restituendi, ne sepeliantur. Hinc prudentes viri sedulò attendunt, ne cuius vitam credant. Medicus quidam, teste Plutarcho, inuisebat Pausaniam, dicebatque: *Nihil habes mali.* cui Pausanias respondit: *Non enim te medico utor.* Hoc ipsum, quod nihil haberet mali, adeò non acceptum ferebat medicis, ut eos solos judicaret prospera esse valetudine, qui medicis non uterentur. Id ut perpetuò verum non

non sit, tamen extra controversiam est, maximam malorum partem à medicis proficisci, vel quia sunt imperiti, vel quia negligentes, vel quia ambitione quæstūue corrupti. Hinc alius sapiens, cùm imperitus medicus ei dixisset: *Senex factus es, respondit: Bene quidem, & satis feliciter: medico enim non usus sum.* Si medicum adhibuisset (vt delicatuli quidam, qui etiam sani bis in anno consulunt de vena secunda) forsitan in malum incidisset, qui eum non permisisset consenserere. Pæon medicæ artis perittissimus fingitur à Poëtis, post obitum, in Deorum numerum relatus, & ne otiosus esset, Deorum medicus constitutus, quasi &c Dij ægrotarent, ac medico indigerent. Quamquam non hoc voluerunt fortasse Poëtæ, sed illud mihi videntur significare, voluisse, à prudentibus, præstantissimos quosque esse eligendos; eos autem, qui profertur, quod nesciunt, in scholam, immē ad ferulam remittendos, vt desinant occidere, & decipere. Nam,

Anton. in
Melis. p. 1.
serm. 56.

se professo statim creditur, cùm sit periculum in nullo mēdacio mains. Plin. lib. 29.
nat. hist. c. 5.

Nontamen illud intuemur: Adeò blanda est sperandi pro se cuiq, dulcedo. Nulla præterea lex, qua puniat inseitiam capitalem, nullum exemplum vindictæ. Discunt periculis nostris, & experimenta per mortes agunt: medicoq, tantū hominem occidisse impunitas summa est.

Quanta enim, ô Superi, audacia est, de vita alterius, perinde atque de nuce, aut testa ludere? Sartores non antè vestem conficiunt alteri, quām altitudinem, amplitudinem, staturamq, omnem diligentissimè dimetiantur. Calcearij quoque crepidas, & ocreas ad mensuram pedis accuratissimè accommodant. Neque architecti murum erigunt, quin lapides singulos ad perpendicularum examinent. Quæ igitur temeritas est, tot non medicos, sed medicastros, circumforaneos, agyrtas, reunctores, sine discrimine temporis, corporis, infirmitatis, obuium quodus præscribere medicamentum, & pharmacum præbere, quod nesciunt, an sit nocitrum? Tantine est vita hominis? Ita nihil fit diuinum illud præceptum, Non occides? An fortasse solo gladio nefas est occidere? poculo licet? Quasi non &, qui veniam miscent, in hanc legem peccant. Et tamen quotusquisq;

XL

Deut. 5. 17.
Matth. 5. 21.

Eee 2 talis